

紫
 文
 丹
 章
 字
 隱
 文
 一
 百
 二
 十
 言
 乃
 九
 天
 之
 上
 系
 凝
 紫
 暉
 之
 精
 結
 成
 自
 然
 之
 章
 表
 見
 玉
 清

紫
 文
 丹
 章
 字
 隱
 文
 一
 百
 二
 十
 言
 乃
 九
 天
 之
 上
 系
 凝
 紫
 暉
 之
 精
 結
 成
 自
 然
 之
 章
 表
 見
 玉
 清

宮中其文煥耀照明上清致高上法華通其
 隱晉以網維玉虛制命九天常御威神召真
 檢靈即元始天王所佩以傳玉清帝君消魔
 大王玉清神霄王等侍文玉童玉女各二十
 四人糾於漏慢管衛佩文者身得佩此文則
 與九天真名書丹壹位准高玄身發紫光項
 負圓明游行太虛十界司迎致三元下降同
 宴霄軒修行神仙之道披誦
 高上玉清隱書大洞真經當安身方丈之上
 心映紫文丹章左把流金火鈴右御露落七
 元則玉虛不招而自降大洞不叩而發開萬
 真應機而感會群魔束身而自亡運策八炁
 回轉五辰座命萬靈校御群仙炁合高虛形
 舉紫質九天之秘與玉清之隱文有泄此章
 身被風刀責及七玄生死之考一如九天盟
 文
 有金名玉字列圖九天得見此文當以絳紋
 之繪三尺為地以紫筆書丹章於繪上齋紫
 文九十尺金魚玉龍詣師清齋九十日北向
 告盟九天而傳弟子受以錦囊佩之當心也


得佩紫文丹章皆位准高玄得受玉清隱書
位准太真坐起寢息皆與玉虛交纏玉華衛
真於左右玉帝髣髴於寢軒不得雜同於常
俗混穢於高真也犯則神逝而魔前被考而
失仙也

佩紫文丹章出入卧息及行道之際常當先
思己身有紫暉之光玄覆於上氣繞一身便
叩齒九通微祝曰
玉虛九重紫暉八纏玄光垂映玉清吐津紫
文丹書表明九天制命萬靈招役群仙威攝

萬萬檢剪千景嚮立會五雲發煙飛與紫
蓋欵來我前使我乘空高登玉晨
畢便引紫炁十二炁止如此九年即有紫雲之
蓋映覆兆身生紫光明明照十方通神致真
洞觀太虛也

昔上元夫人以隱文授太和玉女太和玉女
授幼陽君君道成升虛以文封於九疑洞室
七百年當授合真通玄之人後學精舍自當
感會豫有緣也
洞真太上紫文丹章

洞真太上金篇虎符真文經



右金虎真符

太微天帝君以傳

金闕帝君朱書白素威以紫錦囊佩之頭上
以行則制命天地群靈神仙敬伏玉華執巾
天丁衛軀山嶽稽精加敷威神之祝玉精之
章便得馘斬九魔千妖滅形矣此上清禁符
不傳於世得佩之者飛昇上清太元上景金
真感神內祝以召使神兵斬滅邪魂當入室
燒香叩齒三十六通坐卧任意乃祝之曰
辟乾毒王震拾羅於八仙乘絨上帝五靈太
玄落景七晨衛庭黃真曜符煥擲火鈴神虎

奮豪毒鋒亂逞紫勃文儀四躍仰鳴九天六
天四水晶晶外纏玄炁內守帥兵左威右顧
風伐大征叱斬萬妖擢馘千精金真啓震九
魔攝形北鄩摧落所滅皆傾我佩真符役使
萬靈三元告真玄合帝誠太微上命上昇三
清太元上景威神內祝之法皆上清之禁經
也辟乾毒王者是六天大鬼之內名也震拾
羅旂者是北帝魔王之隱諱也四天水晶晶者
是北鄩鬼相之魂名也能知三鬼名者則千
妖竄跡萬鬼匿形九魔莫得而動試百邪弗
得而陳害山林獨處及在府廟神鬼之中便
可按而行事不必燒香入室也又以雌黃書
碧繪長三尺廣一尺二寸亦可都方圓一尺
二寸也又以四郭其外并以丹錦綠廁其裏
帶於腰中之右面也若登齋入室及朝宴八
九并制魔召靈驅策神真便佩而行事也慎
不可臨見尸穢罪同漏泄七玄之祖拷于地
獄

